



KNI-mi sulerisarpunga?

Arkalo Fencker
KNI Engrosimi siunnersorti



Arkalo Fencker KNI Engrosimi siunnersortaavoq, ulluinnarnimita suut suliarisarpai? Arkalo oqaluttuartipparput.

- Suliarisartakkakka assigiinneqaat. Nuummi ulluinnarni sulisarpunga, sapinngisarpullu tamaat KNI-mi siunnerfiit aallaavigalugit sulisarpugut. Ullaat tamaasa naapeqatigiittarpugut ullormullu suliasagut saqqummiullugit. Taamaasilluta sulisut tamaviisa aamma peqataatilernikuuagut. Maani quersuarmi Nuummi pisiniarfiit, neriniartarfiit assigisaallu tamangajalluinnaasa imeruusaatinik Nuuk Imermeersunik tuniniaaffiginissaat suliasaraakka. Taakku saniatigut nakorsaatit, tupat imigassallu kimittuut tuniniartarpagut. Ukiuni kingullerni Engrosimiit nerisassanik eqqiaanermullu a-tortunik tuniniaaneq qaffassarneqarpoq, maannamut qerititsivittaarnikuuvugut nillataartitsivillu, imarisaalu nalimmassaleruttarpagut, Arkalo oqaluttuarpoq.

Arkalop suliasaanut aamma ilaavoq Pilersuisup pisiniarfiinut pilersuisuneq: Nuummiit nunaqarfiit illoqarfiillu Pilersuisoqarfiusut tamaasa tupanik, imigassanik nakorsaatinillu KNI Engrosip pilersor-pai, taakkulu saniatigut nunaqarfiit kitaaniittut amerlanerit nioqqutissanik Nuuk Imermeersunik pajuttorneqartarput.

- Brugseneqarfiit nakorsaatinik tupanillu nassittarpagut, taamatullu Pisiffik nakorsaatinik nassittar-lugu. Niuertarfiit namminersortut arlallit aamma pilersugaraagut, Arkalo oqarpoq.



Nioqutissanik piniartarnej

Arkalop nioqutissanik piniarneq aamma isumagisaraa.

- Sinerissami akisussaaffigisakka quersuit, Ilulissani, Sisimiuni, Maniitsumi Qaqortumilu ittut, sapinngisamik ullut tamaasa attaveqarfigisarpakka. Sisamanngornerit tamaasa aqutsisut tamarmik peqataaffigisaannik Teamsikkut ataatsimiittarpugut, tassani nutaarsiassanik paasissutissanillu avitseqatigiittarpugut. Ullunilu makkunani Nuummi Engros Butik pilersinniarlugu sulisut tamatta ulappuggut, Arkalo oqaluttuarpoq.



Arkalo Nuummi quersuarmi sulisoq.

Tuniniaalluni angalasarnerit

Arkalop ukiuni kingullerni Tasiilaq tuniniaajartorfigalugu angalaffigisarpaa. Tamaani namminersorlutik inuutissarsiuteqartut amerlanerit niueqatigineqartarput. Nioqutissanik allanik immik-kut ittunik amigateqartoqaraangat taakku aamma tikisinneqartarput.

- Tasiilamut angalagaangama Danmarkimi niueqaterput Handelsselskabimeersoq Bent Bertelsen ilagisarpara, tassunga peqqutaavoq Tasiilamut tunisagut tamaasa Handelsselskabimiit pisaratsigit,



ukiuuneranilu nioqqutissat tikittussat, tassa novemberimiit junip tungaanut, amigaateqaratik tikinnissaat qulakkeertariaqarput, tassami sullitagut amigaateqaqqunanngimmata. Taamaattumik septembari aallartikkaangat ukiuunerani tuniniaajartortarpugut. Taamatutaaq aamma umiarsuarmut siullermut nioqqutissat tikisitassat aprilimi pilersaaruseriorartortarpagut, tassanilu qaamatini kingullerni tunisat aallaaviusarput, Arkalo paasititsivoq.

Unammillernartut

Arkalop suleqataasalu suliaat siammasipput, ulluinnarnilu unammillernatoqartuaannarpoq.

- Nutarterinerput siulliukkukku, tassani aqqusaakkagut aporfeearpassuaqarput, soorunami sulisut ilaat suleriutsinut nutaanut ikaarsaartinneri imaannaaneq ajorput, siunnerfippulli ataasiummat tamanna aamma iluatsikkiartorusaarpoq, Arkalo oqarpoq.

Ukiut kingulliit marluk iluanni lageri tamarmi allanngorluinnarnikuuvoq, RAL-ip nassiussalerinermi inersuit atorunnaagaat Arkalokkut nuuffiginikuaat, nioqqutissallu inissitsiterneru tamarmik aamma allanngornikuupput.

- Maannakkullu pisiniarfittut aqqissuussinitsinni allanngortitereqqippugut. Unammillernartorpassuupput, kisiannili tamakku tamarmik siunissamut piareersaataapput suleriutsinullu oqilisaataasussaallutik, Arkalo ilaliivoq.